

ყოველკვირეული დაიჯესტი  
ტერორიზმსა და ძალადობრივ  
ექსტრემიზმში

18-22 სექტემბერი, 2023



ტერორიზმის კვლევითი ცენტრი  
TERRORISM RESEARCH CENTER

### თალიბანი არასამთავრობო ორგანიზაციების წინააღმდეგ

თალიბანმა ცენტრალური ღურის პროვინციაში არსებული, ავღანეთში დაფუძნებული „არასამთავრობო ორგანიზაციის 18 წარმომადგენელი, მათ შორის ერთ-ერთი სავარაუდოდ ამერიკელი, დააკავა და ქაბულში გადაიყვანა. დაკავების მიზეზი და დაკავებულთა მდგომარეობა, ამ დრომდე უცნობია.

16.09.2023

### დრონით თავდასხმა ჩრდილოეთ ერაყის ტერიტორიაზე

თურქული დრონით თავდასხმას ჩრდილოეთ ერაყში ემსხვერპლა სინჯარის წინააღმდეგობის დანაყოფის (Sinjar Resistance Units YBS), ქურთების მუშათა პარტიასთან (PKK) აფილირებული ერთეულის, სამი მებრძოლი. ერაყში და სირიაში მიმდინარეობს ხანგრძლივი თურქული კამპანია ქურთების მუშათა პარტიის, სინჯარის წინააღმდეგობის დანაყოფისა და სახალხო დაცვის სამხედრო დანაყოფების (YPG) წინააღმდეგ, რომლებიც ანკარის მიერ ტერორისტულ ორგანიზაციად არის აღიარებული.

17.09.2023

### ალ-შაბაბის თავდასხმა ეთიოპიურ სამხედრო კოლონაზე

ჰარაკატ ალ-საბაბ ალ-მუჯადინის დანაყოფი სომალიში, ბაკულის რეგიონის სამხრეთ-დასავლეთით, თავს დაესხა ორ ეთიოპურ სამხედრო კოლონას. დაპირისპირება აფეთქებით დაიწყო და ხუდურის მერის ომარ აბდულაჰი მოჰამედის განცხადებით მას ალ-შაბაბოს დაახლოებით 50 მებრძოლი ემსხვერპლა. დაპირისპირების შესახებ გააკეთა განაცხადი ალ-შაბაბმაც სადაც განაცხადა, რომ დაიღუპა 167 ეთიოპელი სამხედრო, გაანადგურეს მათი მანქანები და ხელთ იგდეს სამხედრო აღჭურვილობა.

18.09.2023

### ჩრდილოეთ სირიის დაპირისპირება

ქურთების ხელმძღვანელობით შეიარაღებულმა ძალებმა ჩრდილოეთ სირიაში, თურქეთის მიერ მხარდაჭერილ ოპოზიციურ ძალაზე თავდასხმა განახორციელეს, რასაც 13 მებრძოლი ემსხვერპლა. ოპოზიციური ძალები თავდასხმაში ადანაშაულებენ ქურთების მიერ მართულ დემოკრატიულ ძალებს, თუმცა, ამერიკის მიერ მხარდაჭერილი დაჯგუფება მომხდარზე პასუხისმგებლობას არ იღებს.

18.09.2023

### ნგრევა ტერორიზმის საპასუხოდ

ისრაელის ჯარები სამი პალესტინელის საცხოვრებლის გასანადგურებლად ემზადებიან, რომელთაც ბრალად ედებათ ჰარაკატ ალ-მუჯავარმა ალ-ისლამის (ქართ.ჰამასი) ტერორისტების დახმარება ისრაელის ოთხ მშვიდობიან მოქალაქეზე შეიარაღებული თავდასხმის განხორციელებაში დასავლეთ სანაპიროს სოფელ ურუფში. სახლების ნგრევა ერთ-ერთი სასჯელია, რომელიც მიესჯება ტერორისტულ თავდასხმებში ბრალდებულ პალესტინელებს.

19.09.2023

### შეიარაღებული დაპირისპირება სამხრეთ-აღმოსავლეთ ნიგერიაში

შეიარაღებული პირები ნიგერიის სამხრეთ-აღმოსავლეთ რეგიონში თავს დაესხნენ უსაფრთხოების ძალებს, რასაც, არაზუსტი ინფორმაციით დაახლოებით რვა უსაფრთხოების თანამშრომელი ემსხვერპლა. ინციდენტი იმოს შტატში, ეჰიმი

მბანოს რაიონში მოხდა, სადაც ნიგერიის უსაფრთხოების სააგენტოს გუნდი იყო განთავსებული ტერიტორიაზე სიმშვიდის შესანარჩუნებლად.

19.09.2023

### ძალადობის ესკალაცია ისრაელ-პალესტინაში

ისრაელის სამხედრო ქმედებებს დასავლეთ სანაპიროზე და არეულობას ღაზას სექტორში ემსხვერპლა ექვსი პალესტინელი, რომელთაგანაც სულ მცირე სამი მეზობელი იყო. ბოლო ესკალაციას, რომელიც ძალადობის ერთწლიან ზრდას აღნიშნავდა, ოთხი ადამიანი ემსხვერპლა, ხოლო ცალკეულმა დაპირისპირებამ ღაზას სექტორში, ორი მოქალაქის სიცოცხლე იმსხვერპლა.

20.09.2023

### აზერბაიჯანის „ანტი-ტერორისტული“ ქმედებები მთიან ყარაბაღში

აზერბაიჯანმა მთიან ყარაბაღში განხორციელებული შეტევა, „ტერორისტული პროვოკაციების“ პასუხად და ანტიტერორისტულ ქმედებად შერაცხა, რომლის მთავარი მიზანი, აზერბაიჯანის თავდაცვის სამინისტროს განცხადებით, იყო სომხური ძალების განიარაღება და მათი რეგიონიდან გასვლის უზრუნველყოფა. ეთნიკური სომეხი ხელისუფლება აკონტროლებს რეგიონს სომხეთის მხარდაჭერით და აზერბაიჯანს მიაჩნია, რომ მშვიდობის მიღწევის ერთადერთი გარანტი, სომხური ჯარების რეგიონიდან გამოსვლა და სეპარატისტული მთავრობის დაშლაა.

20.09.2023

### ალ-შაბაბის ტერაქტი სომალიში

სომალიში, გედოს რეგიონში გზისპირა აფეთქებას, რომლის სამიზნე ქალაქ ლუუკსა და დულოუს შორის განთავსებული სამხედრო კოლონა იყო, ემსხვერპლა 11 სამთავრობო ჯარისკაცი და განადგურდა აფეთქებაში მოყოლილი სამხედრო მანქანა. ტერაქტზე პასუხისმგებლობა “ჰარაკატ ალ-შაბაბ ალ-მუჯაჰიდინ-მა“ (შემოკლ. „ალ-შაბაბი“) (ქართ. „ახალგაზრდები / ახალგაზრდობა“) აიღო.

20.09.2023

### ანტიტერორისტული გლობალური ფორუმი

ევვიპტისა და ევროკავშირის თანათავმჯდომარეობით ნიუ-იორკში გაიმართა ანტიტერორისტული გლობალური ფორუმის (GCTF) მეცამეტე მინისტრთა შეხვედრა, სადაც ევვიპტის საგარეო საქმეთა მინისტრმა, სამეჰ შუკრიმ, ხაზი გაუსვა საერთაშორისო თანამშრომლობის მნიშვნელობას ტერორიზმის წინააღმდეგ ბრძოლაში.

20.09.2023

### IDF-ის ყოფილი წევრის ისტორია

კონგოს დემოკრატიული რესპუბლიკის სამხედრო დაზვერვის ცენტრმა, მოახერხა დაემყარებინა კავშირი 22 წლის მარიამთან, რომელიც, ისლამისტ მემამბოხეებთან ერთად ორი წლის განმავლობაში აღმოსავლეთ კონგოს დემოკრატიული რესპუბლიკის ტროპიკულ ტყეში ცხოვრობდა. მარიამი იძულებით გაიტაცეს და ასევე იძულებით გახადეს გაერთიანებული დემოკრატიული ძალების (ADF) უგანდელი მემამბოხე მოკავშირის ცოლი. 2021 წელს კონგოსა და უგანდის გაერთიანებული ძალები ებრძვიან ADF-ს, რომელმაც გააფართოვა თავისი გავლენა კონგოსა და უგანდაში.

21.09.2023